

ЭОК 678.023

В.К. БИШИМБАЕВ, М.М. ЕСРКЕПОВА, Ж.К. БАХОВ, С.Э. САҚЫЛАЕВА, П.Е. БАЙТЛЕСОВА

## АВТОКОЛІК ШИНАЛАРЫНЫҢ ҚОРШАГАН ОРТАҒА ӘСЕР ЕТУИН БАҒАЛАУ

Резиналық бұйымдардың күнделікті тіршілікте көптеп қолданылуы резина қалдықтарының аса көп көлемді қалдықтар қатарына жатуына алтын келді. Резина қалдықтары қатарына жататындар: көлік шиналары, резинотехникалық бұйымдар, резинадан жасалған аяқ киімдер, латекстен жасалған бұйымдар және т.б. Олардың қатарына өндірістен шыққан резиналары, резинаматалы және резинаметалды бұйымдарды жатқызуға болады. Әйтсе де резинадан жасалған қалдықтардың 90%-на жуығын қолданыстан шыққан автокөлік шиналары құрайды. Жыл сайын әлемде миллиондаған тонна қолданыстан шыққан автокөлік шиналары пайда болса, олардың пайдаға асырылатыны 15-20 %-дан аспайды. Тек қана ТМД мемлекеттерінің өзінде жыл сайын 1,2-1,4 млн тоннадай автокөлік шиналары қалдыққа айналады.

Автокөлік шиналарының қоршаган ортаға әсер етуі қазіргі кездегі маңызды экологиялық проблемаға айналып отырғаны белгілі. Бұл, ең алдымен, донғалактардың бүкіл «өмірлік циклы» (оларды өндіріп шығару, пайдалану және қайта өңдеу) барысында экологиялық қауіпсіздікті қамтамасыз етуге байланысты мәселе. Автокөлік донғалактары күрделі химиялық қосылыстардан тұратын болғандықтан олардың қоршаган ортаға зиянды әсер етуі протектордың үйкеліп, ысқылануынан басталып, оларды қоюс ретінде сақтау барысында және қайта өңдеу барысында орын алады [1].

Бұл тұрғыда көптеген дамыған елдерде амортизацияланған шиналарды механикалық, термиялық, химиялық жолдармен ыдырату арқылы отындық май, техникалық көміртегі, приолиздік газ және құйе алуға бағытталған шаралар кеңінен қолданыска енгізілгенін айта кету керек.

Шиналардың жоғары экологиялық қауіпшілігі, бір жағынан, оны жасап шығару барысында қолданылатын қоспалардың ете жоғары уыттылығымен анықталса, екінші жағынан оны жасап шығару, пайдалану, жөндеу және қолданыстан шыққаннан кейін сақтау барысында бөлінетін көптеген аса уытты заттарға байланысты болады [2, 3]. Осындай заттардың негізгі топтары кестеде келірілген.

**Кесте. Автокөлік шиналарынан қоршаган ортаға бөлінетін зиянды заттар тізімі**

Топтардың аталуы	Заттар саны	Қауіпшілік класы
1. Бензипрендер	14-15	1-3
2. N-нитрозамины	3-4	1-3
3. Алифатты және хомиесті аминдер	5-8	2-3
4. Алкилароматты көмірсүтектер	20-25	2-3
5. Күкірт құрамды көмірсүтектер	5-8	2-3
6. Галогенқұрамды көмірсүтектер	3-5	2-3
7. Фенолдар	1-3	2
8. Альдегидтер мен алифатты кетондар	10-15	2-4
9. Спирттер мен алифатты қышқылдар	3-6	2-4
10. Алкилароматты эфирлер	3-6	2-4
11. Олигомерлер	1-3	2-4
12. Циклоалифатты көмірсүтектер	15-20	3-4
13. Алифатты шексіз көмірсүтектер	15-18	3-4
14. Алифатты қанықкан көмірсүтектер	25-30	4
15. Басқалары	5-10	2-4

Автокөлік шиналарынан ең көп мөлшерде бөлінетін заттарға каучуктердің (монономерлердің)

деструкциялануы кезінде бөлінетін химиялық әрекеттесуге аса бейімді әрі жоғары уытты (бензол, ксиол, стирол, толуол), канцерогендер түзетін (алифатты аминдер), кацерогендеге табын заттар (күкіртсүтек, формальдегид, фенолдар), канцерогендер промоторлары (кукірт қостотығы, хомиесті емес қатардың көмірсүтектері) жататыны анықталған [4, 5].


Жоғарыдағы кестеде келтірілген химиялық қосылыстардың барлық топтары дерлік жоғары уыттылығымен сипатталса, соның ішінде Халықаралық ісік ауруларын зерттеу үйимы (IARC) бекіткен тізімге жататын канцерогенді заттарға: поліароматты көмірсүтектерге, соның ішінде әсіресе бенз(а)-пиренге, N-нитрозаминдерге назар аударған дұрыс.

1-суретте 13 минут аралығында (қала жүйесіндегі көлік қозғалысын имитациялайтын «Еуропалық көлік жүргізу циклы» әдістемесіне сай алынған уақыт мерзімі) протекторлы шиналық резинадан зиянды газдардың бөліну кинетикасы келтірілген [6].


Бұл зерттеудердің нәтижесі көрсеткендей, автокөліктедің калдық газдары мен асфальтты жол төсөлімдеріне қарағанда канцерогенді заттар резиналы көлік шиналарынан едәуір көп мөлшерде бөлінеді. Басқаша айтқанда, шиналардың күнделікті пайдалану да қауіпсіз емес.

1-сурет. 175/70R13 шина протекторынан химиялық заттардың бөліну кинетикасы

Бірқатар зерттеулер [7-9] барысында анықталған-



дай, шиналарды пайдалану барысында бөлінетін канцерогенді заттардың жалпы мөлшері басқа осы тектес газ тәрізді заттарға қарағанда ондаған есе артық. Дегенмен бұл заттардың шектік рұқсат етілген концентрациясы газ тәрізді басқа қосылыстарға қарағанда едәуір тәмен екендігі белгілі. Шиналардан бөлінетін кейбір компоненттердің азоттотықтарымен әрекеттесуі салдарынан калдық газдарда және ауада N-нитрозаминдер мөлшері арта тусетін анықталған. Екінші реттік аминдер мен сульфенамид класына жататын вулканизацияны жеделдеткіш заттардың термиялық ыдырауы барысында бөлінетін қосылыстар азоттотықтарымен реакцияға түсіуі канцерогенді N-нитрозаминдерінің түзілуіне алып кеп соғады. Оған дәлел ретінде тәмендегі реакцияны келтіруге болады:



Жалпы N-нитрозаминдері тобының келесі қосылыстары түзілуі тіркелген: N-нитрозодиметиламин,

N-нитрозодиэтиламин, N-нитрозодибутиламин, N-нитрозоморфолин. Олардың протекторлы резиналардың құрамындағы концентрациясы 2,1-ден 34,9 мкг/кг шамасында болса, ал ауаға ұшып шықкан өнімдердің құрамындағы концентрациясы жалпы N-нитрозаминдер бойынша шектік рұқсат етілген концентрациядан әлдеқайда жоғары болуы мүмкін (елді мекендер үшін ол 50 нг/м³ құрайды). Сондай-ақ N-нитрозаминдер тобына жататын қосылыстардың суда жақсы еритінін және олар үшін судағы шектік рұқсат етілген концентрация 5 нг/литр екендігін ескерсек қоршаған ортаны канцерогендермен (біздін жағдайда N-нитрозаминдермен) ластауы бойынша шиналарды пайдалану автокөліктерден калдық газдарды шығарудан кем түспейтінін түсінуге болады.

Шиналарды пайдалану барысында бөлінетін полиароматты қемірсүтектерге ерекше тоқталып өткен дұрыс. Халықаралық классификаторға аса қауіпті канцерогенді заттар тобы ретінде енген олар есіресе жеңіл көліктердің протекторлы шиналарында көп мөлшерде болады (көптеген шина түрлерінде олар 230-235 мг/кг шамасында болады) [10, 11]. Олардың ішінде фенантрен, флуорантен, пирилен, периллен, бенз(а)антрацен, хризен, бенз(к)флуорантен, бенз(б)флуорантен, бенз(е)пирилен, дибенз(а,х)антрацен, дибенз(а,с)антрацен, коронен, циклопента(с)пирилен, антрацен секілді заттар жатады.

Кейбір зерттеулер [12, 13] шиналарды пайдалану барысында бөлінетін полиароматты қемірсүтектер автокөліктерден калдық газдарының құрамындағыдан әлдеқайда артық екендігін анықтаған. Ал шинаның үйкелуі кезінде бөлінген тозаң астма, аллергиялық және тері ауруларын тузызады [14].

Айта кету керек полиароматты қемірсүтектерге ауада жоғары ұшқыштық немесе суда ерігіштік қасиет тән емес. Бірақ біздің климаттық жағдайда, яғни ауа температурасының жоғары болуы жағдайында оның таралуы жеңілдей түседі. Сондай-ақ полиароматты қемірсүтектер басқа да зиянды қосылыстармен әрекеттесіп нитро-, хлор-, гидрополиароматты қемірсүтектер түзүі мүмкін. Ал олардың кейбірінің үйттылығы жәй полиароматты қемірсүтектерге қарағанда әлдеқайда жоғары болады.


Көптеген экономикалық дамыған мемлекеттерге қарағанда бізде әлі шиналарды экологиялық бақылау және оларға сервистік қызмет көрсету жолға қойылмаған. Сондықтан біздің елдегі көлік шиналарының қоршаған ортаға келтіретін зиянна нақты экологиялық баға беру қыын. Дегенмен қазіргі автокөлік импортының басым бөлігін қолданыста

10-15 жыл болған көліктер құрайтынын ескерсек олардың европалық талаптарға сай келетініне күмән келтіруге болады. Осы себепті бұл мәселені арнайы зерттеу қажет.

2-суретте бірқатар шина түрлерінің пайдалану барысында ауаға ұшқыш химиялық қосылыстарды бөлу сипаттамасы келтірлген. Бұл мәліметтерге сәйкес шина түрлеріне байланысты олардан бөлінетін ұшқыш химиялық қосылыстар концентрациясы бірнеше есеге дейін өзгеріп отыруы мүмкін. Бұл бөлінген заттардың жалпы мөлшерінің көрсеткіші, ал олардың химиялық құрамы мен физикалық қасиеттерін реттеу ерекше мәселе. Сондықтан болар, қазір шина шығаратын шетелдік көптеген компаниялар халықаралық ISO 14000 стандарттарының экологиялық талаптарына сай резина бұйымдарының, соның ішінде шиналардың да құрамында канцерогенді заттарды пайдалануға шектеулер қоюда.

2-сурет. Эртүрлі шина түрлерін пайдалану барысында ауаға бөлінетін ұшқыш химиялық қосылыстар мөлшері

Жалпы, жүргізілген зерттеулер барысында анықталғандай, асфальтты жол төсөлімінің бетінде резина тозандарының жинақталуына кәдімгі механикалық үйкеліс себеп болатыны анықталды. Ал оның қоршаған ортада таралуы атмосфералық ауаның құрғақ кезінде көлік қозғалысының салдарынан



орын алады.

Жоғарыда аталған аса қауіпті химиялық заттардың, соның ішінде ісік ауруларын туғызатын канцерогендер топтарын шектеу үшін ең алдымен шиналарды дайындау барысында қолданылатын заттарға қойылатын экологиялық талаптарды күштейту қажет.

Сонғы кезде резина бұйымдарын өндіру барысында толықтырыш ретінде әртүрлі қалдықтарды пайдалану ұсынылады. Бұл жерде қалдықтарды пайдалану экологиялық проблемаларды шешу ретінде қарастырылады. Дегенмен, бұл мәселеге жоғарыда келтірлген зерттеулер нәтижелері түрлісінан қарасақ, оның екінші реттік экологиялық проблема туғызуы әбден мүмкін екендігін көреміз. Сондықтан бұл мәселелерді шешу үшін қазіргі химия және

химиялық технология, ғылымдары саласындағы озық жетістіктерге, нанотехнологияларға арқа сүйеу қажет. Сондай-ақ, резина бұйымдарын жасау процесіндегі экологиялық талаптарды да қайта карау маңызды мәселе болып отыр.

## ӘДЕБІЕТ

1. Шаховец С.Е. Концепция ресурсосбережения и утилизации шин // Тезисы межд. научно-практ. конф. Проблемы экологии и ресурсосбережения при переработке и восстановлении шин. -М., 2001.
2. Нудельман З.Н. Экологическая безопасность резинового производства: новый принцип нормирования загрязнений воздуха // Каучук и резина. 1997. №6. -С. 41-44.
3. Макаров В.М., Дроздовский В.Ф. Использование амортизованных шин и отходов производств резиновых изделий. -Л.: Химия, 1981. -249 с.
4. Канцерогенные вещества / Под ред. В.С.Турусова. -М.: Медицина, 1987. -332 с.
5. Хесина А.Я., Кривошеева Л.В., Третьяков О.Б., Корнев В.А., Рейтов С.Л., Ободовская Н.И. Исследование содержания химических канцерогенных веществ в шинных резинах. - Тезисы докладов V Российской научно-практической конференции резинщиков. -М., 1998. -С. 441-443.
6. Третьяков О.Б., Корнев В.А., Кривошеева Л.В. Воздействие шин на окружающую среду и человека // Эл. ресурс: <http://www.sciteclibrary.ru/rus/catalog/pages/949.html>.
7. Вишняков И.И. Экологические проблемы резиновой промышленности // Производство и использование эластомеров. -М.: ЦНИИТЭнефтехим, 1995. -С. 17-21.
8. Донская М.М., Кавун С.М., Крохин А.В., Фролова В.Г., Хазанова Ю.А. Экологические проблемы, обусловленные качеством и ассортиментом сырья резиновой промышленности // Каучук и резина, 1993, №5. -С.37-44.
9. IARC Monographs on the Evaluation of Carcinogenic Risks for Humans. Lyon, 1991, v.52, p.473, 1987, Suppl. 7. v. 1-42, 1982, v. 28.
10. Танцова Н.Б., Китаев Ю.Б., Урядов В.Ю. Исследование возможности использования в рецептуре шинных резин тонкодисперсных резиновых порошков из изношенных шин, полученных методом высокочастотного дозированного сдвига // Материалы 12-й Межд. научно-практ. конф. «Резиновая промышленность. Сырье, материалы, технологии». - Звенигород, Московская обл., 2006. -С.184-186.
11. Khesina A.Ya. Urban Air Pollution by Carcinogenic and Genotoxic Polycyclic Aromatic Hydrocarbons in the Former USSR. Symposium on Risk Assessment of Urban Air, June 1992, Stockholm, Sweden.
12. Суздорф А.Р., Морозов С.В., Кузубова Л.И., Аншиц Н.Н., Аншиц А.Г. Полициклические ароматические углеводороды в окружающей среде: источники, профили и маршруты превращения // Химия в интересах устойчивого развития, 1994, №2. -С.511-540.
13. Ровинский Ф.Я., Теплицкая Т.А., Алексеева Т.А. Фоновый мониторинг полициклических ароматических углеводородов, Л., Гидрометеоиздат, 1987 -224 с.

14. Montague, Peter. Tire Dust // Rachel's Environment & Health Weekly. 1995, № 439.

is revealed that tyres, which produced in C.I.S. on separation of the volatile chemical combinations, have more high factors in contrast which foreign analogue.

### **Резюме**

Приведены результаты оценки влияния эксплуатации и утилизации автотранспортных шин на окружающую среду. Выявлено, что шины, выпускаемые в странах СНГ, по выделению летучих химических соединений имеют более высокие показатели по сравнению с зарубежными аналогами.

### **Summary**

Results of the estimation of the exploitations and utilization of automobile tyres' influence on environment are brought. It